

Class 10 बाइदिमैयानि आसाम
खोन्दो - 2 **Bodo Medium**
देउरीफोर

1. देउरीफोरनि गोजाम थाग्रा जायगाया बबेयावमोन?

फिन : देउरीफोरनि गोजाम थाग्रा जायगाया बुरलुंबुथुरनि जौयेन बाहागो आथिखालनि अरुणाचल प्रदेशनि ल 'हित जिलानि सिङाव थानाय जैदाम हादोनि खाथि खालायावमोन।

2. देउरिफोरा समाजारियै मोनबेसे बाहागोआव बोखावजानाय आरो मा मा मख'।

फिन : देउरीफोरा समाजारि बादियै मोनब्रै माहारियाव रानजानाय। बेफोर जादों – डिबडीया, टेङापनीया, बरगजा आरो पाटरगजा।

3. शदियानिफ्राय हाबखनफैनानै देउरीफोरा गिबियाव आसामनि बबे बबे जिलायाव थादोंमोन? आथिखालाव आसामनि गंबेसे जिलायाव बिसोर दं?

फिन : शदियानिफ्राय हाबखनफैनानै देउरीफोरा गिबियावनो बै समनि बोखावजायि शिवसागर जिलानि माजुलि आरो लक्ष्मीपुर जिलानि डिक्लं दैमानि सेराव गिबियाव थानो लाजेनो आरो बेनि उनाव गुबुन गुबुन जायगासिम गोसारनो हमो। आथिखालाव आसामनि गं 8 जिलाफोराव बिसोर दं।

4. देउरीफोरा गावसोरखौनो मा होनना सिनायथि होयो?

फिन : देउरीफोरा गावसोरखौनो 'जिम चॅणाया' होननानै सिनायथि होयो

5. देउरी रावा तिब्बत बर्मी रावफोलेरनि बबे राव नखराव सरजाबनाय? बबे मायथाइयाव देउरी रावखौ आसाम सोरखारआ सोरखारि राव महरै गनायथि होदोंमोन?

फिन : देउरि रावा तिब्बत बर्मी रावफोलेरनि बर' दालाइनि सिङाव सरजाबनाय। 2005 मायथाइनि 28 जानुवारी खालारखालि आसाम सोरखारआ देउरी रावखौ सोरखारि राव महरै गनायथि होदों आरो गुदि थाखोआव मोनसे राव आयदा महरै थिसननायनि थांखि लायो।

6. देउरीफोरा फालिबोनाय बिसोरनि मोनब्रै फोर्बोनि मुं मख'।

फिन : देउरीफोरा फालिबोनाय बिसोरनि मोनब्रै फोर्बोफोरनि मुंफोरा जादों – रंजालि बैसागु, मागो आरो काति बैसागु, आबादजों सोमोन्दो गोनां फोर्बो महरै बिचु दाबेबा मेच्चु।

7. देउरिफोरा मा दोहोरोमखौ फोथायो?

फिन : देउरिफोरा 'कुन्दि' धोरोमखौ फोथायो।

8. लिरसुंथाइ लिर:

(क) भीमबर देउरी।

(ख) राधाकान्त देउरी।

(ग) बर्गराम देउरी।

(घ) श्री चन्द्रसिंह देउरी।

फिन : **(क) भीमबर देउरी:** गेदेर आसामनि दुइसिन अस्थायाव थानानै आसामनि गेदेर सार्थ रैखानि थाखाय नाजाथाबना जिउखौ जुरिजेननाय सुबुडानो जादों भीमबर देउरी। जौगा आसामनि खना मोनसेयाव जोनोम लाना बोखावजायि आसामनि मोनसे खर 'निफ्राय गुबुन मोनसे खर 'सिम गिदिंथिना गासै सुबुं माहारिनि गेजेराव गावखौ बाउसोमना आसामनि हारिमायारि खौसेथि गायसंनो भीमबर देउरीया नाजाथाबदोंमोन।

सुबुं फोलेरनि गेजेराव सासे जानानै गासै सुबुं फोरलेनि राजखान्थियारि आरो समाजारियै गायसंनो थाखाय सान-हर खामानि मावनानै भीमबर देउरीया सुबुं दैदेनगिरि जायो। बिथांनि दैदेनगिरि सिमाया सुबुं फोलेरनि गेजेरावल' सिमाथि जाना थायाखिसै। भीमबरनि दैदेननायाव आसामाव फारफ्रोम दावगानाया जाफुंनायसै। बै गुनखौ आसामनि गिबि गाहाइ मथि लकप्रिय गपीनाथ बरदलैया नुनानै आसामनि स्वार्थनि थाखाय भीमबर देउरीखौ 'जननेता' (सुबुं दैदेनग्रा) बिमुं होदोंमोन।

बिथाडा 1947 मायथाइनि 30 नबेम्बरखालि 44 बोसोर बैसोआव रुंसारि जायो। थैनाय समाव बिथाडा बिसि कमलावती देउरी, फिसाज्ला फारियै पीताम्बर देउरी, पृथीबर देउरी, मन्दिबर देउरी आरो फिसाजो भारती देउरीखौ नागारना थाडो।

(ख) राधाकान्त देउरि: रुंसारि राधाकान्त देउरीनि जोनोमा 1931 मायथाइनि जुन दाननि 1 खालारखालि लक्षिमपुर जिलानि बाहगड़ा देउरी गामियाव जादोंमोन। बिथांनि बिफानि मुडा आदिचन देउरी आरो बिमानि मुडा ताइबा देउरीमोन। बिमा-बिफानि नायल'-जाल' सासेल' फिसाज्ला राधाकान्त देउरीहा साथाम बिब'-बिनानाव दंमोन। गामिनि उदां आबहावायाव थानानै गेदेर गोलाव जानाय

देउरीनि नखरनि हाल-साला बारा मोजां नडामोनब्लाबो बिथाडा
लेखा फरायाव जोबोर गोसो गुदुंमोन।

बिफानि आंखालखौ मिथिखा-हसिखा फसयसालियाव मुं
थिसनालासिनो गाव लोगो आरो गुबुन मानसिनिफ्राय बिना लाबोनानै
बिजाब, फाला बुथुमनानै गामिनि 11 नं मरनै गुदि फरायसालियाव
1942 मायथाइयाव सोलोंथाइ जिउखौ जुरिजेनो। बेबादिनो बिथाडा
आंखालनि गेजेरजों फरायनानै मेट्रिक आनजादखौ उथ्रिनानै ज
'रहाटनि जे. बि. कलेजाव मुं थिसननानै कलेजनि फरायनायखौ
जागायो आरो 1958 मायथाइयाव बि. ए. डिग्रीखौ लायो। 1959
मायथाइयाव शिवसागर सरखारि गोजौसिन फरायसालियाव
आखाथि फोरोंगिरि महरै थिसनथाइ मोनो।

बिथाडा जरहाताव फैनानै बि. टि. खौ पास खालामो आरो 1985
मायथाइयाव बिथाडा शदियानि चपाख 'वा सरखारि गोजौसिन
फरायसालियाव लोगो फोरोंगिरि महरै मावनो खाबु मोनो। बेयावबो
बारा गोबाव सान मावालासिनो 1986 मायथाइयाव एखे मासियावनो
लक्ष्मीपुर सोरखारि गोजौसिन फरायसालियाव साखि मावनानै
फोरोंगिरि जिउखौ थिराडै सामलायनो हमो।

(ग) बर्गराम देउरी: लक्ष्मीपुर जिलानि बिहपुरीया मौजानि उन
गोग्लैसोनाय बाहगड़ा देउरी गामिनि थागिरि बर्गराम देउरीया 1938
मायथइनि 1 आगाष्ट खालारखालि जोनोम जायो। 1944 मायथायाव
बाहगड़ा देउरी एल. पि. स्कुलाव सोलोंथाइ लानानै 1959
मायथाइयाव लक्ष्मीपुर गोजौ फरायसालिनिफ्राय मेट्रिक आन्जादखौ
सेथि थाखोआव उन्थियो।

उनाव बर्गराम देउरीया जरहाट जगननाथ बरुवा कलेजनिफाय बि.
एस. चि. उन्थिखांनानै गुवाहाटी मुलुग सोलोंसालियाव लाइफां
बिगियान आयदायाव मुं थिसनो आरो एखे समावनो गुवाहाटी मुलुग

सोलोंसालिनि आयेन कलेजाव फरायो। बिथाडा एम.एच. चि. आरो एल.एल. बि. खौ एखे समावनो मोजाडै मोजां उन्धिनानै उनाव पान्जाब मुलुग सोलोंसालियाव हमिअपेथिक सोलोंथाइ लानो थाडो आरो बेयावनो बिथाडा मोजाडै मोजां सनानि मेडेल लाना डीग्री लायो।

बर्गराम देउरी बिथाडा मन्थिबो जादोंमोन। बिथाडा मन्थि जाना थानाय समावनो आसामनि ट्राइबेलफोरनि थाखाय ट्राइबेल रेष्ट हाउस आर आकाशी हष्टेल आरिखौ लुयो। बिथाडा मन्थि जाना थानाय समाव बाहगड़ा देउरी गामिनि मिनि हस्पिटल आरो भेटेनेरी हस्पिटल गनैखौ लुनाय जायो।

(घ) श्रीचन्द्र सिंह देउरि: श्रीचन्द्र सिंह देउरीया गेलेग्रा, सुबुं आरिमुगिरि आरो लिरगिरि। बिथाडा देउरी सुबुंफोलेरनि गेजेराव मोनसे जुनिया सिनायथि दं। 1927 मायथाइनि 28 एप्रिलखालि रुंसारि गपाल देउरि आरो रुंसारि बिमा आतबानि गोर्बोआव बिथाडा जोनोम मोनदोंमोन।

उन्दै समाव उपर देउरी एल. पि. स्कूलनिफ्राय गुदि सोलोंथाइखौ लाखांनानै जरहाट सरखारि गोर्जौ फरायसालियाव सोलोंथाइ लादोंमोनब्लाबो बिथाडा जरहाट पलितेकनिक हाइस्कूलनिफ्राय 1949 मायथाइयाव मेट्रिक आन्जादखौ मोजाडै मोजां उन्धिनो हायो। उनाव बिथाडा 1962 मायथाइयाव आरिमु आयदायाव मुं थिसननानै चिलं कलेजनिफ्राय आइ. ए. आन्जादखौ उन्धियो।

1955 मायथाइनि 1 अक्टबर खालारखालि भारत सोरखारनि सिङाव S.C. आरो S.T. बिफाननि थामथि थाखोनि साख्रि मावग्रा महरै हाबो आरो 1988 मायथाइनि 31 मार्च खालार खालि अफिसार महरै साख्रिनिफ्राय आजिरा लायो।